

АКАФИСТ

ПРЕСВЯТОЙ БОГОРОДИЦЕ

В ЧЕСТЬ ИКОНЫ ЕЯ

“ПОПСКАЯ”

Кондак 1

Взбранной Воеводе, Владычице нашей Богородице, Святую Горю Афонскую в достояние Свое избравшей и иноческия обители в ней умножившей, благодарственная возглашаем пения. Ты же, о Пречистая, яко имущая державу непобедимую от всяких нас бед свободи и от враг видимых и невидимых защиты, да зовем Ти: Радуйся, Пресвятая Богородице Дево, всего мира Благая Заступнице.

Икос 1

Ангелов Царице и всея твари Владычице, Пречистая Дево Богородице, преславным явлением дивныя иконы Твоея Горю Афонскую озарила еси, струи чудес от нея источающи. Темже и мы, грешнии, радости и благодарения исполняеми, с любовию и усердием к Тебе благохваления наша дерзаем возносить: Радуйся, благословенная отрасли от кореня Давидова. Радуйся, Дщи Богоданная Иоакима и Анны. Радуйся, во храме Божием во смирении и чистоте воспитанная. Радуйся, о рождении Бога Слова Ангельское благовестие приемшая. Радуйся, свыше силою Духа Святаго осененная. Радуйся, тайне Боговоплощения послужившая. Радуйся, Богомладенца Христа на спасение роду человеческому рождшая. Радуйся, всему миру радость велию Рождеством Твоим возвестившая. Радуйся, Пресвятая Богородице Дево, всего мира Благая Заступнице.

Кондак 2

Видящи, Всенепорочная, милосердие Твое неизреченное и чудеса многая, чрез святыя иконы Твоя присноявляемая, величаем Тя, род наш благоволением Твоим возвеличившую, и с любовию покланяясь пречистому лику Твоего изображению, зовем о Тебе Сыну Твоему и Богу нашему: Аллилуиа.к

Икос 2

Разум человеческий постигнуть не может великаго Твоего милосердия к людям, искупленным Кровию Сына Твоего, Христа Бога нашего, ниже исчислити множество благодеяний Твоих, богато на ны изливаемых, но припадая пред чудотворною иконою Твоею, смиренно приносим Ти похвалы сицевыя: Радуйся, на путь спасения нас наставляющая. Радуйся, к Богопознанию приводящая. Радуйся, скорая христианом Помощнице. Радуйся, пред Сыном Твоим о нас милостивая Ходатанце. Радуйся, страх Божий в сердца наша вселяющая. Радуйся, благоговети пред святынею нас научающая. Радуйся, чистоты и целомудрия Поборнице. Радуйся,

добродетельному житию Споспешнице. Радуйся, Пресвятая Богородице Дево, всего мира Благая Заступнице.

Кондак 3

Билу благодати Божественныя даруеши, Пречистая Дево, всем, с верою и усердием Сыну Твоему и Богу нашему служащим, вся бо можеши испросити у Него матерним дерзновением Твоим. Сего ради, благодаряще Господа за вся великия милости Его, Тобою щедро нам низпосылаемая, умиленно вопием Ему: Аллилуиа.

Икос 3

Имеют Тя воистину Верховную Игумению Горы Афонския иночествующии в жреби Твоем, имже Ты в залог благоволения Твоего милостиво даровала еси многия чудотворныя иконы Твоя, лучами чудес мир весь озаряющая; сего ради вопием Ти: Радуйся, Горы Афонскую в жребий Себе избравшая. Радуйся, чудотворныя иконы Твоя в ней умножившая. Радуйся, обителем иноческим благодетельствующая. Радуйся, токи чудес от икон Твоих источающая. Радуйся, иноков Благая Покровительнице. Радуйся, пустынножителей возделенная Посетительнице. Радуйся, затворников сладкая Собеседнице. Радуйся, подвижников всемогущая Укрепительнице. Радуйся, Пресвятая Богородице Дево, всего мира Благая Заступнице.

Кондак 4

Буря житейския избегаючи, в тихое пристанище спасения под осенение иконы Твоея во обитель Хилендарскую иноки Афонстии притекают, и zde благодатное утешение и помощь Твою, Пречистая Дево, обретши, теплыя моления своя пред нею возносят, Богу же, тако о них промышляющему, из глубины сердец взывают: Аллилуиа.

Икос 4

Слышаще и видяще иноцы обители Хилендарския яко нечестивый иерей внезапно в море утоплен бысть, да не дерзает прочее священнодействовать, зело удивляхуся. Мы же молим Тя, Ходатанце нашего спасения: просвети сердца наша светом истинныя веры, да оставив вся прегрешения наша, праведно и добродетельно проживем. Сего ради, уповая Твое милостивое заступление, взываем: Радуйся, еретичествующих грозная Обличительнице. Радуйся, неправедных скорая Наказательнице. Радуйся, заблудших на путь истинный наставляющая. Радуйся, нерадивых и ленивых вразумляющая. Радуйся, бедствующих скорое услышание. Радуйся,

погибающих чудное спасение. Радуйся, за род христианский Предстательнице. Радуйся, грешных надежная Споручнице. Радуйся, Пресвятая Богородице Дево, всего мира Благая Заступнице.

Кондак 5

Боготечней звезде подобна икона Твоя, Пречистая Дево Богородице, мрак греховный в сердцах наших разгоняющая и умы наша просвещающая, да во свете матерния любви Твоея узрим истинного Бога, спасающего всякого человека, грядущаго к Немү, и возопним Ему благодарно: Аллилуиа.

Икос 5

Видяще преславная чудеса и пречудная знамения, бываемыя не токмо от иконы Твоея «Иерейския», во обители Хилендарстей пребывающия, но и от изображений по подобию сея иконы списанных, во умилении сердечном вопием Ти: Радуйся, благодатию Святаго Духа нас озаряющая. Радуйся, огнем матерния любви Твоея души наша согревающая. Радуйся, яко любовь к Богу в нас воспаменяеши. Радуйся, яко ревностию ко спасению нас воодушевляеши. Радуйся, на всех путех жития нашего нас подкрепляющая. Радуйся, благодарити Бога за вся нас научающая. Радуйся, Ты бо истину познавати помогаеши. Радуйся, Ты бо душевредная учения низлагаеши. Радуйся, Пресвятая Богородице Дево, всего мира Благая Заступнице.

Кондак 6

Проповедует милости и чудеса Твоя, Преблагословенная Богородице Дево, Гора Афонская и множеством чудотворных икон Твоих красуется, среди конх икона Твоя «Иерейская», яко луна пресветлая, чудесными лучами Божественныя благодати просвещает души наша, подвизая прославльшему Тя Богу нашему хвалебно пети: Аллилуиа.

Икос 6

Возсияла еси, Пречистая Мати Божия, в чудотворней иконе Твоей, яко свет спасения блуждающим во тьме греховней, скорую помощь подаючи всем, с упованием на милосердие Божие пред нею молящимся и вопиющим Ти сице: Радуйся, любви Божия к человеком проявление. Радуйся, рода христианскаго возвышение. Радуйся, милосердная всем нам о Христе Мати. Радуйся, Преблагословенная и Препрославленная в женах. Радуйся, Бога с человеки соединившая. Радуйся, девство и материнство пречудно в Себе сочетавшая. Радуйся, яко велие дерзновение к Сыну Твоему и Богу имаши.

Радуйся, яко выну за род человеческий пред Ним ходатайствуеши.
Радуйся, Пресвятая Богородице Дево, всего мира Благая Заступнице.

Кондак 7

Хотяй всем человеком спастися, Премилосердный Господь
усынови нас Пречистой и Превлагословенней Матери Своей: да будет
болящим Целительницею, печальным Утешительницею, заблуждшим
Наставницею, грешным Споручницею, да всех от бед и напастей
избавит, вопиющих: Аллилуиа.

Икос 7

Новое чудо зрим, Пресвятая Богородице, в явлении святого
образа Твоего, пред нимже архиереев сословие, монаси и мирстии
проповедуют великия милости Твоя, и ведущи Тя воистину
Помощницу всесильную, со слезами приносят Ти благохваления сия:
Радуйся, Царице Небесная, ангельскими лики воспеваемая. Радуйся,
Владычице небесе и земли, земнородными прославляемая. Радуйся,
православно воспевати Бога во святых Его научающая. Радуйся,
благоговейное пение в уста наша влагающая. Радуйся, благ земных и
небесных всещедрая Подательнице. Радуйся, рода человеческого
милостивая Питательнице. Радуйся, источнице непрестающих
радости. Радуйся, чаше неизреченных благости. Радуйся, Пресвятая
Богородице Дево, всего мира Благая Заступнице.

Кондак 8

Странники и пришельцы есмы на земли и не имамы zde
пребывающего града, обаче Града Небесного непрестанно взыскуем; в
скорбех же жития нашего к Тебе единой Владычице нашей прибегаем.
Темже на милосердие Твое уповая, молим Тя: прими нас, Мати
Божия, в вечныя кровы Своя, да радостно вопием о Тебе Богу:
Аллилуиа.

Икос 8

Всем верным утешительно есть взирати на святую икону Твою,
Превлагословенная, на нейже зрим Тя, на руку Твоею держащую
Богомладенца Христа, Сына Твоего и Бога нашего, Ему же
поклоняющиеся, Тебе, истинней Богородице, благоговейно взываем:
Радуйся, Свет миру - Христа Бога рождшая. Радуйся, двери Царствия
Христово верным отверзающая. Радуйся, всем призывающим Тя
скоропредстательная Помощнице. Радуйся, усердно Тебе молящихся
скорая Услышательнице. Радуйся, Ангельских сил непрестающее
ликование. Радуйся, притекающих к Тебе непостыдное упование.

Радуйся, из глубины отчаяния возводящая. Радуйся, печали наша утешающая. Радуйся, Пресвятая Богородице Дево, всего мира Благая Заступнице.

Кондак 9

Всякаго естества Ангельскаго превышшая явилася еси, Пресвятая Дево: Невместимаго бо Бога вместила еси во утробе Твоей; темже на небеси прехвально имя Твое и на земли блажат Тя вси роди. Мы же грешными устами дерзаем возвеличившему Тя Богу взывать о Тебе: Аллилуиа.

Икос 9

Витийствующий язык не возможет по достоянию восхвалити Тя, Богомати Пречистая, за великия и премногия благодеяния Твоя, яже на нас милостиво изливаеши. Сего ради, вся чудеса от икон Твоих бываемая видяще, присно ублажаем Тя и хвалебно вопием сице: Радуйся, печаль нашу в радость претворяющая. Радуйся, от бед и скорбей нас избавляющая. Радуйся, Неувядаемый Цвете чистоты и нетления. Радуйся, Рачительнице целомудрия и воздержания. Радуйся, Богородицею величаемая. Радуйся, от всех родов ублажаемая. Радуйся, благочестия Наставнице. Радуйся, поющих во славу Божию Попечительнице. Радуйся, Пресвятая Богородице Дево, всего мира Благая Заступнице.

Кондак 10

Спасти хотя всякаго человека, Сын Твой и Бог наш милостиво внимает Тебе, Заступнице и Ходатанце нашей, о нас молящейся; темже вси вернии в скорбех и напастех с несумненною верою к Тебе прибегают и благодарственно вопиют о Тебе: Аллилуиа.

Икос 10

Стена нерушима еси, Богородице Дево, всем усердно Тя почитающим и иконе Твоей чудотворней благоговейно поклоняющимся: Тебе бо дадеся от Господа благодать всемирнаго заступления, верных же во благочестии и чистоте утверждения. Темже и нас под матерний Твой покров прими, с любовью к Тебе взывающих: Радуйся, Преблагословенная, у Престола Сына Твоего на небеси пребывающая. Радуйся, Препрославленная, помощию Твоею на земли нас не оставляющая. Радуйся, в житии нашем верная Путеводительнице. Радуйся, иноческаго жития Наставнице. Радуйся, лестнице, души праведных на небеса возводящая. Радуйся, леторасле прекрасная, у Престола Вседержителява благоухающая. Радуйся, Ты

бо єси всея вселенная преславное чудо. Радуйся, Ты бо єси всех земнородных велие упование. Радуйся, Пресвятая Богородице Дево, всего мира Благая Заступнице.

Кондак 11

Пение наше смиренное, от любви и усердия к Тебе приносимое, не презри, Владычице небесе и земли, и не отвертися от нас, многими грехми Тя преогорчивших, обаче помози нам искреннее покаяние принести и души наша от скверн и страстей очистить, да преуспевающе в благочестнем житии возможем воспевати Богу: Аллилуиа.

Икос 11

Светлыми лучами пачеестественных чудес святая икона Твоя немерцаемо сияет, Пречистая Дево, просвещая души наша светом истинного богопознания и к немолчному славословию имене Твоего приводя, радостно зовущих Ти: Радуйся, благодатию Божиею преизобильно исполненная. Радуйся, паче небесных и земных возвеличенная. Радуйся, оружие, имже устраняются полки демонския. Радуйся, щите, имже покрываются обители иноческия. Радуйся, тихое пустынножителей веселие. Радуйся, обуреваемых в вещи сем надежное пристанище. Радуйся, слабых на пути добродетели укрепляющая. Радуйся, заблудших на путь истины наставляющая. Радуйся, Пресвятая Богородице Дево, всего мира Благая Заступнице.

Кондак 12

Благодать и милость испроси нам, Преславная Мати Божия, у Сына Твоего, простри к Нему Твоя богоприимная рuce и умоли Его, да всех нас спасет и от гибели вечная избавит: многомошна бо есть Твоя матерняя молитва и всесильно есть пред Ним за нас Твое ходатайство, о нем же радующеся, вопием Творцу и Богу нашему: Аллилуиа.

Икос 12

Поюще преславная чудеса Твоя, Богомати, от святых иконы Твоея являемая, величаем и славим Тя, возвеличившую нас. Ты же, Всеблагая Владычице, сподоби нас причастники славы небесная быти, радостно поющих Ти: Радуйся, Тебе бо служат вся Небесная Силы. Радуйся, Тебе бо возносят хваление Херувимы и Серафимы. Радуйся, выну на небеси лице Божие созерцающая. Радуйся, пред Сыном Твоим о нас матерняя рuce Твоя простирающая. Радуйся, яко омофором Твоим от всякого зла сущих на земли покрываеши. Радуйся, яко

упованиєм пріянія небесных благ дүши верных ұслаждаєши. Радуйся, любящих Сына Твоего жизни вечныя сподобляющая. Радуйся, благочестно живущим обители райския ұготовляющая. Радуйся, Пресвятая Богородице Дево, всего мира Благая Заступнице.

Кондак 13

О Всепетая Мати Владчайшаго Господа нашего Иисуса Христа! Прими сие малое хваление наше, от любящих сердец Тебе приносимое, и умоли Сына Твоего, да помилует и спасет нас и причастники жизни вечныя соделает, верно славящих Тя и вопиющих Ему: Аллилуна.

(Этот кондак читается трижды, затем икос 1 и кондак 1)

Молитва

О Пресвятая Дево, Преславная Госпоже Владычице наша Богородице, воззри милостиво на нас, предстоящих Ти с верою и любовию: прими милостиво наше хвалебное пение сие и пролей ко Господу Богу нашему Твою матернюю молитву о нас, грешных и недостойных, да узрит Он наше покаяние сердечное и, простив нам вся согрешения наша, спасет и помилует нас. Покажи на нас чудныя милости Твоя, Богомати, смиренно молим Тя: на путь правый нас настави, светом истины умы наша просвети, сердца наша умягчи, веру укрепи, надежду утверди, дара любви к Богу и ближним сподоби, да в единении друг со другом пребывающе, богоугодное житие проживем, и дарами благ земных насладившися, благ небесных, милосердия ради Божественнаго, не лишимся, да благодарне воспевающе величия Твоя, Пречистая, сподобимся Небеснаго Царствия и тамо со всеми святыми прославим пречестное и великолепое имя в Троице славимаго Бога: Отца и Сына и Святаго Духа. Аминь.

Тропарь, глас 1

Превлагословенная Царице, Пречистая Дево Богородице, прославльшая Святую Горю Афонскую многими чудесы, от икон Твоих честных изливающимися; сего ради пред образом Твоим припадающе, молимся: избави нас от всякаго зла, недуги наша исцели, мир в сердца наша низпосли и наследниками Царствия Небеснаго, яко Мати Милосердная, сотвори.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.